

Govor gospodina Emilea Corneillea, predstavnika OBO-a

Dobar dan i dobrodošli,

Predsjednici, premijeru, ministri, ambasadore English, uvaženi gosti, dame i gospodo, osoblje Američke ambasade.

U ime Direktora i glavnog šefa za radeve Ureda za izgradnju u inostranstvu (OBO), te u ime državnog sekretara, gospođe Rice, želim vam svima zahvaliti što ste nam se pridružili danas da bismo zajedno proslavili početak rada na izgradnji kompleksa nove Ambasade Sjedinjenih Američkih Država u Sarajevu, Bosna i Hercegovina.

Ovaj objekat će biti pravi simbol opredijeljenosti Sjedinjenih Američkih Država da budu stalno prisutne u Bosni i Hercegovini, kao i simbol naših bliskih bilateralnih odnosa sa vladom Bosne i Hercegovine. Mi cijenimo podršku domaćih vlasti koja je od ključne važnosti, kao i podršku svih onih koji su omogućili da dođe i ovaj dan.

Izgradnja ovog novog diplomatskog kompleksa na Marindvoru predstavljaće veliki korak u unapređivanju naših mogućnosti da zastupamo interes SAD i pružamo usluge američkim građanima koji dolaze u Bosnu i Hercegovinu, kao i Bosancima i Hercegovcima koji žele putovati u SAD. Ovaj novi objekat zadovoljiće potrebe Ambasade u doglednoj budućnosti.

Evo nekoliko zanimljivih podataka o projektu izgradnje novog kompleksa Ambasade u Sarajevu. Biće obezbijeđeno ukupno 11.000 kvadratnih metara sigurnog, bezbjednog i funkcionalnog prostora za naše američke i domaće uposlenike.

Da biste imali predstavu o opsegu projekta, reći će da će tokom izgradnje biti upotrijebljeno preko 14.000 kubnih metara betona i 2.000 tona čelika. Vrijednost ugovora za izgradnju je 94.103.684 američkih dolara od čega će nekih 15 do 20 odsto biti investirano u lokalnu ekonomiju. Projekat uključuje postrojenje za preradu vode i aggregate koji će, po potrebi, obezbjeđivati struju tokom provedbe projekta.

Novi kompleks gradiće građevinska kompanija Cadell Construction Company prema američkim i bosanskohercegovačkim građevinskim standardima. U ime kompanije danas su s nama Kirby Caddell, Rod Cesar i Zafir Gur. Biće to savremeni objekat koji će uključivati i američke i lokalne elemente dizajna.

Bezbjednost američkih i lokalnih uposlenika koji će raditi ovdje, kao i posjetilaca misije, od izuzetne je važnosti. Iz tog razloga, ovaj kompleks

dizajnirali smo tako da zadovoljava najviše standarde sigurnosti od požara i fizičke sigurnosti.

A sada bih želio odati priznanje direktoru projekta iz OBO-a, Lawsonu Youngu. Lawson je predstavnik tog ureda u Sarajevu. On će nadgledati izgradnju i projektovanje od strane izvodača građevinskih radova, i sve aspekte projekta sa Ambasadom i lokalnim vlastima.

Na kraju, u ime direktora i glavnog šefa za izgradnju u inostranstvu, i državnog sekretara gospođe Rice, još jednom želim zahvaliti vlasti Bosne i Hercegovine za saradnju, kao i svim uposlenicima ambasade i OBO-a koji su naporno radili da bi došao i ovaj dan.

Predsjednici, premijeru, ministri, ambasadore English, uvaženi gosti, dame i gospodo, osoblje američke ambasade, proglašavam da je ova lokacija spremna za početak izgradnje. Hvala.